



gazeTi gamodis
1931 wl is 5 ianvridan

კ ლ ი ო ნ ი

ს ა ზ ო გ ა დ ო ე ბ რ ი ვ - პ ო ლ ი ტ ი კ უ რ ი გ ა ზ ე თ ი

ყოველკვირეული გამოშვება
ფასი 20 თეთრი

უემოქმედის ეპარქიის მფარველი სამების ხატი უნდა მოიხატოს

გაზეთი „ალიონი“



24/03/2012

ამ მეტად მნიშვნელოვანი საქმის განხორციელებას გურიის ეპარქიის მწვემსთავარი, მეუფე იოსები მოსახლეობის მხარდაჭერით გეგმავს.

ქართველმა ხალხმა უფრო დიდი ძნელებლობის ფაშს სამების ტაძრის აგება შეძლო, იმედი მაქვს ჩვენს მფარველ სამების ხატის შექმნაშიც იგივე თანადგომა იქნება. ხატი მოქალაქეთა დანაზოგებიდან და შემოწირულობებიდან უნდა მოიხატოს.

გასულ შაბათს ოზურგეთის პედაგოგთა კავშირის დარბაზში ტაობანკის ინიციატივით მეუფე იოსები საზოგადოების წარმომადგენლებს და ჟურნალისტებს შეხვდა.

ხატის შესაქმნელად შემოწირულობების შეგროვების პროცესს აქტიურად გააშუქებენ ადგილობრივი მედია საშუალებები.

ნაგომარში საბავშვო ბაღი გაიხსნა

მარი კოპოვიძი

ოცი წლის შემდეგ ოზურგეთის მუციპალიტეტი სოფელ ნაგომარში საბავშვო ბაღმა ისევ დაიწყო ფუნქციონირება.

ახლადგახსნილ ბაღში ერთი ჯგუფი ფუნქციონირებს. ჯგუფში 2-დან 5 წლამდე 25 ბავშვი სწავლობს, მას ათი თანამშრომელი ჰყავს, აქედან ორი პედაგოგია.

ბაღს მენეჯერობას ინგა სიორიძე გაუწევს. როგორც მან გვითხრა ბევრი მსურველი და თანამშრომლები კონკურსის წესით შეარჩიეს.

ნაგომარში ბაღი გასულ კვირას გაიხსნა. ბაღის გახსნას ოზურგეთის გამგებლის მოვალეობის შემსრულებელი, ილია ვაშაყმაძე, საკრებულოს თავმჯდომარე, ალექო მამეშვილი და ა(ა)იპ სკოლამდელი სააღმწრდელო საგანმანათლებლო ცენტრის ხელმძღვანელი, მაკა ჭყონია ესწრებოდნენ.

ნაგომარის ბაღი ოზურგეთის მუნიციპალიტეტის სკოლამდელი სააღმწრდელო-საგანმანათლებლო



20/03/2012 18:10

ცენტრის 37-ე ფილიალია, რომელიც მუნიციპალიტეტის ინიციატივითა და მხარდაჭერით გაიხსნა. ბაღი სოფლის განვითარების პროექტის ფარგლებში გარემონტდა და სააღმწრდელო საგანმანათლებლო ცენტრის მიერ ახალი ინვენტარით აღიჭურვა.

აღნიშნული ბაღის გახსნას საფუძველი ჩაუყარა არასამთავრობო ორგანიზაცია „კვიტას გეორგიკას“ პროექტის ფარგლებში აღტერნატული ჯგუფის ფუნქციონირებამ.

„ამ ბაღში შექმნილია ყველა საჭირო პირობა, რათა აღსაზრდელებმა თავი კომფორტულად იგრძნონ? გვითხრა მაკა ჭყონიამ.

ამ ხელისუფლების მიერ არჩეული გზა უფრო მეტად სამოქალაქო დაპირისპირებისკენაა ორიენტირებული



გურიის თავისუფალი დემოკრატების ლიდერმა თემურ სალუქვაძემ ბრიფინგი გამართა ადგილობრივი ჟურნალისტებისათვის.

ის, რაც მთელი საქართველოს მასშტაბით, ამ ბოლო პერიოდში კონტროლის პალატის მხრიდან განხორციელდა, უნდა განვიხილოთ ხელისუფლების მიერ ბოლო პერიოდში გადადგმულ ნაბიჯებად, რაზეც უკვე ექსპერტებიც საუბრობენ, ეს არის შემამშოთებელი. ასევე თუ გავიხსენებთ პრეზიდენტის კახეთში და საერთოდ, მისი ბოლო პერიოდის გამოსვლებს და დიპლომატიური კორპუსებისადმი გამოთქმულ მოსაზრებებს, ბ-ნ ირაკლი ალასანიას მიერ გაუღებულ ინფორმაციებს, აშკარაა რომ სააკაშვილისა და ამ ხელისუფლების მიერ არჩეული გზა ხელს არ უწყობს სამოქალაქო განმტკიცებას და ის უფრო დაპირისპირებისკენაა ორიენტირებული.

კონტროლის პალატის მიერ განხორციელებული ქმედებები ქართული ოცნების მიმართ, ერთის მხრივ თუ რას ემსახურება, ეს ყველასთვის ნათელია, ხოლო მეორეს მხრივ, ის ატარებს ადამიანთა ურთიერთდაპირისპირების ხასიათს.

დღეს უკვე გაისმის საზოგადოებაში ის მოსაზრებები, რომ დაკითხულ ადამიანთა სიების შედგენაში, მონაწილეობა მიიღო სოფლებში ადგილობრივი თვითმმართველობის წარმომადგენლებმა. ხელისუფლებამ ამ ადამიანების ირგვლივ შექმნა ასეთი გარემო და ისინი ჩააყენა ზნეობრივად მძიმე მდგომარეობაში. კიდევ ერთხელ გავიმეორებ, რომ ჩვენ ვართ ოზურგეთელები, ერთი კუთხის შვილები, ყველა ერთმანეთს ვიცნობთ და არ გვინდა ეს დაევიწყოთ, მაგრამ ხელისუფლების არასწორმა ნაბიჯებმა ამ რეალობის წინაშე დაგვაყენა. ამან ხომ ყველა სოფელში გააჩინა ეჭვი, რაც ხელს არ უწყობს ერთიანობას, ურთიერთპატივისცემას. ეს ადამიანები ხომ შესაძლებელია ერთ მშვენიერ დღეს სრულიად უსაფუძვლოდ გახდნენ ხელით მისათითებელნი. ეს არ არის ის გზა, რომლითაც უნდა იაროს ქართველმა და საქართველომ. ჩვენ ურთიერთპატივისცემითა და სიყვარულით უნდა ვაშენოთ ჩვენი ქვეყანა.

მინდა მივმართო ყველა დეპუტატს, ყველა სოფლის რწმუნებულს და მათ თანაშემწეებს, რომ კიდევ ერთხელ კარგად გააცნობიერონ, რა შინაარსის ხელისუფლებას ემსახურებთ და რა მდგომარეობაში შეიძლება ისინი აღმოჩნდნენ ამ ხელისუფლების პირობებში. მოვუწოდებ ყველას გონიერებისკენ და შევასხენებ: ეშმაკი ყოფს, ღმერთი აერთიანებს!

ელა ბააქტიურებას ცდილობს

მარი კოპოვიძი



21/03/2012 12:05

დაფუძნებიდან 95 წლის თავზე ეროვნულ დემოკრატიული პარტია კიდევ ერთხელ ცდილობს გააქტიურებას. პარტიის ლიდერებმა უკვე განაცხადეს, რომ მოახლოებულ საარჩევნო ფერხულში აქტიურად აპირებენ ჩართვას. ნაბიჯები უკვე გადადგეს. „კარდაკარ“ კამპანიის ფარგლებში რეგიონებში შეხვედრებიც დაიწყო. 21 მარტს, ოზურგეთში, დემოკრატიული ჩართულობის ცენტრში გამართეს მოსახლეობასთან შეხვედრა.

აქ შეკრებილ საზოგადოებას შორის, რამდენიმე საჯარო დაწესებულების თანამშრომელიც იყო. შეხვედრის დაწყების წინ დაბა ჩონატაურის მცხოვრებმა, ქალბატონმა ლიანა დოლიძემ ვერ გვითხრა რა შეხვედრაზე იყო მოსული.

–სახლში მომაკითხეს და მთხოვეს ოზურგეთში ჩამოვსულიყავი, რისთვის? ალბათ გვეტვიან–გვითხრა მან.

მოსახლეობას შეხვდნენ ელას თავმჯდომარე ბაჩუკი ქარდავა,

ინციდენტი სოფ. ნალობილეშვი

20 მარტს, დაახლოებით 15 საათზე, სოფ. ნალობილეშვი ინციდენტი მოხდა, ამ სოფლის მცხოვრები, 35 წლის ინდუქტორი მ. კეჭყაძემ მძიმედ დაჭრეს.

როგორც გვითხრეს, კეჭყაძესთან მაღაზიაში, ავტონაწილის შესაძენად მივიდა ოზურგეთელი ც. ს. და ნისიად მსუბუქი ავტომანქანის ნაწილი სთხოვა, რაზედაც კეჭყაძისგან უარი მიიღო იმ მოტივით, რომ მას ავტონაწილი ნისიად მანამდე ჰქონდა წაღებული.

სავარაუდოდ ც.ს-მ (მას რამდენიმე ახლოებული თუ მეგობარი ახლდა) კეჭყაძეს ბლაგვი საენით (დანით) მძიმე ჭრილობები მიყენა.


კეჭყაძემ სასწრაფოდ ოზურგეთის ახალ საავადმყოფოში გადაიყვანეს. ამ დროისათვის იქ, ოზურგეთელი ბიზნესმენის ი. ს-ის მამას საკმაოდ რთული ოპერაცია გაუკეთეს და ადგილზე ექიმთა მთელი ბრიგადა იყო მობილიზებული. მათ ყველაფერი გააკეთეს კეჭყაძის დროულად დასასმარებლად.

ერთ-ერთი კვალიფიციური ექიმის მიერ, გაზეთ „ალიონისათვის“ მიცემული ინფორმაციით, დაზარალებულს გულმკერდისა და მუცლის არემი ბასრი იარაღით რამდენიმე ჭრილობა ჰქონდა მიყენებული. დაზიანებული ჰქონდა ღვიძლი და დაფარავმა-ჰემონეპოთორაქია. გაუკეთდა სასწრაფო ლაპარატომია, ჰემოსთაზი. გაუკერეს დაზიანებული ღვიძლი, დაფარავმა. ორთავე პლევრის ღრუში ჩადებული იქნა ბილაუს დრენაჟი. ამის შემდეგ ის რეანიმაციით გადაიყვანეს ქ. ქუთაისში. ბოლო ინფორმაციით ახლა მ. კეჭყაძე თბილისშია გადაყვანილი.

მომხდართან დაკავშირებით მხარეები სხვადასხვა ვერსიას ავრცელებენ. ერთ-ერთი ვერსიით, ც.ს. მეგობრებთან ერთად ავტონაწილის დასაბრუნებლად იყო მისული, მოხდა შელაპარაკება და ნალობილეშვილებმა იგი მაგრად სცემეს. ის ამის გამო „მედალვას“ კლინიკურ საავადმყოფოში მოათავსეს. ექიმის თქმით, მას ერთ-ერთ კიდურზე და სხეულის სხვა ნაწილებზე ტრავმული დაზიანებები აქვს.

მომხდარს გურიის შინაგან საქმეთა სამმართველო იძიებს. როგორც გვითხრეს, ოზურგეთის სასამართლომ ც.ს-ს წინასწარი 2-თვიანი პატიმრობა შეუფარდა. მ. კეჭყაძის დაკითხვა ამ ეტაპზე მისი მძიმე მდგომარეობის გამო არ მომხდარა.

რედაქცია ამ ეტაპზე, გამოძიების ინტერესიდან გამომდინარე, სხვა ვერსიებისა და კომენტარების გამოქვეყნებისაგან თავს იკავებს.



გვ-3

7 დღის ამინდის პროგნოზი

გზი +4+17 27 მარტი, სამშაბათი	წვიმა, თოვლი -1+4 28 მარტი, ოთხშაბათი	ღრუბლი +3+7 29 მარტი, ხუთშაბათი	ღრუბლი +7+11 30 მარტი, პარასკევი	ღრუბლი, წვიმა +9+15 31 მარტი, შაბათი	ღრუბლი, წვიმა +9+13 1 აპრილი კვირა	ღრუბლი +9+14 2 აპრილი ორშაბათი
---	---	---	--	--	--	--

„ადგილობრივი ბიუჯეტი მნიშვნელოვნად და მოკიდებული ცენტრალურ ბიუჯეტზე“



გაზეთი „ალიონი“

საქართველოს დემოკრატიული განვითარების კავშირმა ოპოზიციის და ჩოხატაურის მუნიციპალიტეტების ბიუჯეტის ანალიზი წარმოადგინა. ჩვენ ამ თემაზე კავშირის თავმჯდომარის ლევან ხინთიბიძის და მესამე ირაკლი პაპაშვილს ვესაუბრეთ:



ლევან ხინთიბიძე:

– თქვენ აღნიშნეთ, რომ ოპოზიციის არსებული მუნიციპალური ბიუჯეტიდან თანხების დიდი წილი მიდის საკრებულოსა და გამგეობის შენახვაზე, უფრო კონკრეტულად გვესაუბრეთ ამ საკითხზე, რა ოდენობის თანხაზე საუბარია?

– ოპოზიციის მუნიციპალიტეტის 2012 წლის ბიუჯეტის გადასახდელიდან ადმინისტრაციული ხარჯების მოცულობა, რომელიც მოიცავს ოპოზიციის საკრებულოსა და გამგეობის სახელფასო ფონდს, ორივე ორგანოს ხელშეკრულებით აყვანილი თანამშრომლების ანაზღაურებას, მივლინებებს, საოფისე და წარმომადგენლობით ხარჯებს, სატელეფონო, საწვავის, მუნიციპალიტეტის ბალანსზე მყოფი ავტომანქანების რემონტს და სხვა მიმდინარე ხარჯების დაფარვას, ჯამურად შეადგენს 3,5 მილიონ ლარზე მეტს, რაც სპეცტრანსფერის გარეშე დაახლოებით მილიონ ბიუჯეტის 37%-

ია. გამოდინარე აქედან, ადმინისტრაციულ ხარჯებს ოპოზიციის მუნიციპალიტეტის ბიუჯეტში ყველაზე მნიშვნელოვანი წილი უკავია ბიუჯეტის სხვა გადასახდელიდან შედარებით.

– ისაუბრეთ ასევე პრიორიტეტების დოკუმენტზეც, როგორ ფიქრობთ, სწორადაა თუ არა შერჩეული პრიორიტეტები?

– წარმოდგენილი ბიუჯეტის პრიორიტეტების დოკუმენტი ბადავს ბევრ პასუხგაუცემელ კითხვას, რომელიც ეხება ჩამოთვლილი 5 პრიორიტეტული მიმართულების დაფინანსების ოდენობას მუნიციპალური ბიუჯეტიდან, ანუ თუ პრიორიტეტია, დაფინანსებაც ადეკვატური უნდა იყოს. გაურკვეველია, რატომ მოხდა სხვადასხვა შინაარსის მქონე მიმართულებების გაერთიანება ერთ კომბინირებულ პრიორიტეტში, რომელსაც სახელად ჰქვია „კულტურა, ახალგაზრდობის ხელშეწყობა, სპორტი და ტურიზმი“. ბუნდოვანია, რატომ არ აქვს მითითებული დაფინანსების ოდენობა ერთ-ერთ პრიორიტეტს – „სოფლის მეურნეობის პრიორიტეტებს“; ყველაფერს რომ თავი დაგანებოთ და ბიუჯეტის ხარჯებით ნაწილს რომ ჩაეხედოთ, სოფლის მეურნეობაზე მუნიციპალური დაფინანსება მიდის მხოლოდ ერთ ა(ა)იპ-ზე რომლის წლიური ოდენობა მოიცავს დაახლოებით 53 000 ლარს, რომელშიც, ამავდროულად, შედის ამავე ა(ა)იპის თანამშრომელთა წლიური ხელფასი და ადმინისტრაციული ხარჯი. აქედან გამომდინარე, ბუნებრივია, იბადება ლოგიკური კითხვა – რა ფინანსური რესურსით ვავითარებთ სოფლის მეურნეობას?

– თქვენ თქვით, რომ ოპოზიციის ბიუჯეტ-

ზე აისახება არჩევნების მოახლოება და საარჩევნო წელს გაცილებით „მიღიარია“ ჩვენი ბიუჯეტი. გვესაუბრეთ ამის შესახებ.

– სიახლეს არ წარმოადგენს ის გარემოება, რომ საარჩევნო წელიწადის პერიოდში ფინანსური ნაკადის შემოდინება ცენტრალური ბიუჯეტიდან უფრო აქტიურად ხდება, ვიდრე არასარჩევნო წელს და ეს განსაკუთრებით ეხება სპეცტრანსფერებს. მაგალითად, 2010 წელს, როდესაც ჩატარდა თვითმმართველობის წარმომადგენლობითი ორგანოს – საკრებულოს არჩევნები, ცენტრალური ბიუჯეტიდან ოპოზიციის ადგილობრივ ბიუჯეტში, სპეცტრანსფერის სახით, 3 მილიონ ლარზე მეტი შემოვიდა, ხოლო 2011, არასარჩევნო წელს კი – მხოლოდ 1 085 000 ლარი და ისიც სოფლის მხარდაჭერის პროგრამა, რომელიც წინა 2010 წლის ანალოგიურ პროგრამასთან შედარებითაც კი უფრო ნაკლები გახლდათ. რაც შეეხება 2012 წელს, იგივე პროგრამა უკვე ავიდა თითქმის 1,4 მილიონ ლარზე და, ამასთან, მოსალოდნელია სხვა ინფრასტრუქტურული პროექტების განხორციელებისთვის დამატებითი ფინანსური რესურსების შემოდინება, რაც წინასწარი პროგნოზით ოპოზიციის ბიუჯეტს მნიშვნელოვნად გაზრდის.

– რამდენადაა დამოკიდებული ადგილობრივი ბიუჯეტი ცენტრალურ ბიუჯეტზე?

– უნდა აღინიშნოს, რომ ოპოზიციის მუნიციპალიტეტი ფინანსურად არათვითკმარია, რაც ნიშნავს იმას, რომ იგი მნიშვნელოვნად არის დამოკიდებული ცენტრალურ ბიუჯეტზე, რაც, ამავდროულად, ზრდის თვითმმართველობის ცენტრზე დამოკიდებულების ხარისხს.

– სოციალური დახმარების გაცემის თაობაზე ადმინისტრაციული წარმოების (გადაწყვეტილების მიღების) წესები და პროცედურები.

– პრეზენტაციაზე აღინიშნეთ, რომ საკრებულოსა და საკრებულოს კომისიების სხდომების შესახებ მოსახლეობის ინფორმირება არ ხდება. რა გამოვლინდა მონიტორინგის შედეგად ისეთი, რაც ამის თქმის საფუძველს გაძლევთ?

– დავიწყეთ იმით, რომ მოქმედი კანონმდებლობა ავალდებულებს საკრებულოს, როგორც კოლექტიურ საჯარო დაწესებულებას, რომ მან ერთი კვირით ადრე საჯაროდ გამოაცხადოს მომავალი სხდომის, მისი ჩატარების ადგილის, დროისა და დღის წესრიგის თაობაზე, ხოლო შესაბამისი გადაწყვეტილების მიღებისას – აგრეთვე მისი დახურვის შესახებ (ზოგადი ადმინისტრაციული კოდექსი, მუხ. 34.1). ფაქტიურად, იგივეს ითვალისწინებს ოპოზიციის და ჩოხატაურის მუნიციპალიტეტის საკრებულოთა დებულებებიც; ამასთან, ეს ინფორმაცია საკრებულოს აპარატის მიერ გამოქვეყნებული უნდა იქნას: 1) ოპოზიციის შემხვევაში – საკრებულოს ვებგვერდზე; აგრეთვე უნდა გამოიკრას გამგეობის რწმუნებულის შენობასთან განთავსებულ სპეციალურ სტენდზე და გამოქვეყნდეს გაზეთში; 2) ჩოხატაურის შემთხვევაში – საკრებულოს ვებგვერდზე (რომელიც მას, ფაქტიურად, გასული წლის მიწურულამდე, საერთოდ, არ ჰქონია), აგრეთვე უნდა გამოიკრას საკრებულოს და გამგეობის რწმუნებულის შენობასთან (შენობაში) განთავსებულ სპეციალურ სტენდზე.

გასული, 2011 წლის მონაცემებით, ორივე მუნიციპალიტეტის მაგალითზე შეიძლება ითქვას, რომ მსგავსი ტიპის ინფორმაცია, როგორც წესი, ძირითადად, მხოლოდ საკრებულოს მთავარ ადმინისტრაციულ შენობაში არსებულ საინფორმაციო დაფაზე ქვეყნდებოდა (ოპოზიციის შემთხვევაში – დამატებით კიდევ საკრებულოს ვებგვერდზე); არადა, აუცილებელია, რომ ამ სახის ინფორმაციული მასალა უშუალოდ თვითონ საკრებულოთა მიერ განსაზღვრული წესის შესაბამისად ქვეყნდებოდეს. ინფორმაციის ამგვარი, ეფექტიანი გამოქვეყნება

საშუალებას მისცემს საზოგადოებას, რომ მუდმივად ინფორმირებული იყოს საკრებულოს მომავალი სხდომისა და დღის წესრიგის შესახებ; შესაბამისად, საზოგადოების დანტერესებულ ნაწილს შესაძლებლობა ექნება, შეუფერხებლად დაესწროს საკრებულოს სხდომებს, რაც, საბოლოო ჯამში, ადგილობრივი თვითმმართველობის განხორციელების პროცესში მოსახლეობის პრაქტიკული ჩართვის ერთ-ერთი მნიშვნელოვანი ფორმაა.

გაცილებით რთული სიტუაციაა საკრებულოს მუდმივმოქმედი კომისიების სხდომების (მორიგი სხდომის, მისი ჩატარების ადგილის, დროისა და დღის წესრიგის) შესახებ მოსახლეობის ინფორმირების კუთხით; შეიძლება ითქვას, რომ ინფორმაცია საკრებულოს კომისიათა სხდომების შესახებ თითქმის არ ქვეყნდება (მეტისმეტად იშვიათი, უმნიშვნელო გამოჩენის გარდა), მათ შორის არც საკრებულოს ვებგვერდზე და არც საკრებულოს ადმინისტრაციულ შენობაში განთავსებულ საინფორმაციო სტენდზე. თქმული თანაბრად ეხება როგორც ოპოზიციის, ისე ჩოხატაურის მუნიციპალიტეტს. ლოგიკურ შედეგად ვლტულობთ იმას, რომ არცერთ ამ მუნიციპალიტეტში არ არსებობს საკრებულოს კომისიათა სხდომებზე მოსახლეობის წარმომადგენელთა დასწრების პრეცედენტები.

– რამდენად ხელმისაწვდომია მოსახლეობისთვის თვითმმართველობის ორგანობიდან საჯარო ინფორმაციის მიღება?

– გასული წლის მონაცემების მიხედვით, საჯარო ინფორმაციის გაცემის კუთხით, ოპოზიციისა და ჩოხატაურის მუნიციპალიტეტებში არსებული სიტუაცია შემდეგნაირად გამოიყურებოდა: საკრებულოდან ინფორმაციის გამოთხოვისა და მიღებისას რაიმე მნიშვნელოვან პრობლემას ან კანონდარღვევას არ შევხვედრივართ – ორივე მუნიციპალიტეტის საკრებულო ყოველნაირად ცდილობდა დროულად და, რაც მთავარია, კანონის მოთხოვნათა შესაბამისად მოეწოდებინა მოთხოვნილი საჯარო ინფორმაცია.

თუმცა იგივეს თქმა არანაირად არ

ეს, თავის მხრივ, საკანონმდებლო ბაზის ხარვეზიცაა, რადგანაც თვითმმართველობებს უნდა ჰქონდეთ დამოუკიდებელი შემოსავლის წყაროები და „სხვისი“ ჩარევის გარეშე უნდა წყვეტდნენ ადგილობრივი მნიშვნელობის საკითხებს. თვითმმართველობები ხელისუფლების დეცენტრალიზაციის ხელშეწყობი ფაქტორი უნდა იყოს და არა ცენტრალიზებული ხელისუფლების დანამატი. დღეის მდგომარეობით კი თვითმმართველობების უმეტესობას (და მათ შორის ოპოზიციის მუნიციპალიტეტს) ცენტრალური ბიუჯეტის დახმარების გარეშე ფუნქციონირება გაუჭირდებოდა.

– ადგილობრივი ბიუჯეტიდან პოლიციის დაფინანსებაზე რას გვეტყვი?

– ამასთან დაკავშირებით კიდევ ერთხელ ვაფიქსირებთ, რომ პოლიციას, როგორც ყველა სხვა სახელმწიფო დანიშნულების ორგანოს, ნამდვილად ესაჭიროებათ ნორმალური დაფინანსება თავიანთი უფლებამოსილებების ეფექტურად განხორციელების მიზნით, მაგრამ ეს არ უნდა ხდებოდეს მუნიციპალური ბიუჯეტის ხარჯზე. პოლიცია გახლავთ შინაგან საქმეთა სამინისტროს სტრუქტურული ერთეული და მისი დაფინანსება უნდა ხდებოდეს სწორედ ცენტრალური ბიუჯეტით გათვალისწინებული ამ სამინისტროს წყაროდან. მიუხედავად იმისა, რომ, წინა წელთან შედარებით, პოლიციის დაფინანსება თითქმის 2-ჯერ შემცირდა, ეს მუხლი მაინც არსებობს და მისი ოდენობა 55 000 ლარით განისაზღვრა, რაც, ჩვენი აზრით, ტენდენციის დონეზე კი კარგია, მაგრამ მაინც არამინიმალური ხარჯია.



ირაკლი პაპაშვილი:

– აპირებთ თუ არა სოციალური პროგრამების მონიტორინგს?

– რა თქმა უნდა, ჩვენი ორგანიზაცია სამომავლოდ გეგმავს სოციალური დახმარების პროგრამების მონიტორინგს როგორც ოპოზიციის, ისე ჩოხატაურშიც. ამ მხრივ, ჩვენი მიზანია კიდევ უფრო მეტად დაიხვეწოს და უფრო გამჭვირვალე გახდეს მუნიციპალური სოციალური დახმარებების გაცემის პროცესი, რომ მოსახლეობა სათანადოდ იქნას ინფორმირებული მუნიციპალური სოციალური პროგრამების შესახებ და არცერთი პოტენციური ბენეფიციარი არ დარჩეს კუთვნილი დახმარების მიღების გარეშე. აქვე უნდა აღინიშნოს ის გარემოებაც, რომ ამ სფეროში ჩვენი ორგანიზაციისა და ორივე მუნიციპალიტეტის საკრებულოს თანამშრომლობის შედეგად საკრებულოებმა (როგორც ოპოზიციის, ისე ჩოხატაურშიც) დაამტკიცეს სოციალური დახმარებების გაცემისა და მიღების ახალი წესი; ამ წესში ზუსტად და ნათლად იქნა განსაზღვრული სოციალური დახმარების ფორმები და სახეები, ბენეფიციართა შერჩევის კრიტერიუმები, იმ აუცილებელი დოკუმენტაციის ჩამონათვალი, რომელთა წარდგენაც მოეთხოვება ამა თუ იმ კონკრეტული სოციალური დახმარების მაძიებელ ბენეფიციარს, გადაწყვეტილების მიღებაზე პასუხისმგებელი უწყება, დეტალურად იქნა გაწვრილებული ადმინისტრირების საკითხებიც

შეიძლება ამ მუნიციპალიტეტების ადმინისტრაციულ რგოლზე – გამგეობა, როგორც წესი, თითქმის ყოველ შემთხვევაში (მიუხედავად იმისა, აქვს თუ არა ამის საფუძველი) საჯარო ინფორმაციის გაცემისას ათლიან ვადას ითხოვს და უმეტეს შემთხვევაში ამ ათლიან ვადასაც მნიშვნელოვნად არღვევს (არადა, კანონით, საჯარო ინფორმაცია დაუყოვნებლივ უნდა გაიცეს, გარდა კანონით გათვალისწინებული იშვიათი გამოჩენისა). თქმული თანაბრად ეხება როგორც ოპოზიციის, ისე ჩოხატაურის მუნიციპალიტეტის გამგეობას. თუმცა რას იზამ, როგორც ჩანს, გამგეობები არამართო ოპოზიციისა და ჩოხატაურში, არამედ, ზოგადად, საქართველოში დღემდე (თუმცა არაფორმალურ საფუძველზე, მაგრამ მაინც) ამ „პრივილეგიით“ და მასთან დაკავშირებული ე.წ. „ხელშეუხებლობით“ სარგებლობენ.

– გაამართლა თუ არა საზოგადოებრივმა დარბაზმა ოპოზიციისთვის?

– პრინციპში, შეიძლება ითქვას, რომ გაამართლა. შექმნილი დღიდან მოყოლებული საზოგადოებრივი დარბაზი მეტნაკლები სტაბილურობით ფუნქციონირებს – გასულ წელს, მაგალითად, მისი 10 ოფიციალური სხდომა ჩატარდა. იგი, მართლაც რომ, სამოქალაქო მონაწილეობის, ადგილობრივი ხელისუფლებასა და საზოგადოების წარმომადგენლებს შორის დიალოგის მნიშვნელოვანი ფორმაა. თუმცა ისიც უნდა აღინიშნოს, რომ დარბაზი დღემდე ოპოზიციის მუნიციპალიტეტის საკრებულოს დებულების 119-ე მუხლის საფუძველზე ფუნქციონირებს, საკუთრივ დარბაზის დებულება, რომელიც დეტალურად მოაწესრიგებდა მისი საქმიანობის წესს, საკრებულოს, სამწუხაროდ, დღემდე არ მიუღია და მასთან დაკავშირებული ბევრი საკითხი (თუნდაც დარბაზის სხდომის ოქმობრივი გაფორმება) ჯერ კიდევ პაერშია გამოკიდული. იმედია, ოპოზიციის მუნიციპალიტეტის საკრებულო სამომავლოდ მაქსიმალურად შეუწყობს ხელს ამ ქმედითი სათათბირო ორგანოს ნორმალურ ფუნქციონირებას და სტრუქტურულად დახვეწს მას.

ელა ბააქტიურებას ცდილობს

საქართველოს პარლამენტის წევრი გურამ ჩხევიძე, მთავარი კომიტეტის წევრი გოგა გოგიაშვილი და გურიის ბუროს თავმჯდომარე მერაბ ჩხაიძე.

პარტიის ლიდერებმა ელბ-ს შესაძლებელია უწოდეს.
—ჩვენ ვართ შესაძლებელია გზა. ჩვენ ვამბობთ, რომ ბიძინასა და მიმას მომხრეების გარდა სხვა პოლიტიკური ძალაც არსებობს. მათ პოლიტიკურ გემოვნებაზე ვერ ვიქნებით დამოკიდებული. ისინი ქვეყანას ან გაყოფენ ან გაიყოფენ. ჩვენ ვართ შუა მათ შორის.“ — ამბობდა ბაჩუკი ქარდავა.

ელბ-ს ლიდერებმა პოლიტიკა ნაციონალურ ნაწილობრივ „ქართულ ოცნებას“ კი სრულად დაუწესეს. მათი თქმით, ნაციონალურებმა ბევრ ცუდ საქმესთან ერთად კარგიც გააკეთეს, რაც შეეხება ბიძინასა და მის მომხრეებს, მათგან ჯერ-ჯერობით თურმე სასიკეთოს ვერაფერს ხედავენ და ამის იმედი არც მომავალში აქვთ.

დღეს მიმდინარეობს საზოგადოების ორ პოლუსად გაყოფის პროცესი. ერთ მხარესაა „ნაციონალური მოძრაობა“, მეორე მხარეს მისი ანარქიკი; „ქართული ოცნება“ დიდი ფინანსებით, მაგრამ ღირებულებების გარეშე, სადაც პარტიებს, მედიას, ექსპერტებს გარეგნული ფასადისათვის ყიდულობენ და განსხვავებულ აზრს მტრულად აღიქვამენ. პოლიტიკაში ორპოლუსიანობა საფრთხის შემცველია. ამიტომ ელბ ბრძოლას უცხადებს დაყოფას პრინციპით „ჩვენ და ისინი“, არჩევანის გაკეთებას ცუდსა და უარესს შორის, ამბობდნენ ელბ-ს ლიდერები. გარკვევა, ვის უწოდებდნენ ცუდს და ვის უარესს მათი საუბრიდან ძნელი არ იყო.

—ჩვენ საქართველოს ვთავაზობთ შესაძლებელია გზას, ეს რთული, მაგრამ ერთადერთი სწორი გზაა, — ეს იყო ელბ-ს მთავარი მესიჯი.

შესაძლებელია გზა ორიენტირებულია ღია საზოგადოებაზე, სადაც ყველა მოქალაქე თავისუფალია და დაცულია თავის პოლიტიკურ, სოციალურ თუ ეკონომიკურ არჩევანში, ორიენტირებულია დიალოგზე განსხვავებული აზრის პატივისცემაზე, თაობათა შორის სოლიდარობაზე, სამართლიან სახელმწიფოზე, სადაც ხელისუფლება ზრუნავს ყველა მოქალაქეზე, დაცულია უფლებათა და მოვალეობათა თანასწორობა. შესაძლებელია გზა ორიენტირებულია თავისუფალ მექანიზმებზე, სადაც ბიზნესი დაცულია შანტაჟისაგან და ხელფეხგახსნილია. ამიტომ „შესაძლებელია გზით მავალი“ თვლიან, რომ მათ საზოგადოება გვერდით უნდა დაუღვავს.

შეხვედრა არც ისე დიდხანს გაგრძელდა. სტუმრებმა მონოლოგის შემდეგ შეხვედრის კითხვა პასუხის რეჟიმში გადაწყვიტეს, მაგრამ მოსახლეობის მხრიდან კითხვები არ დასმულა. ამას ბაჩუკი ქარდავამ ასეთი განმარტება მისცა: „აღბად ძალიან ამომწურავად ვისაუბრეთო...“

რატომ ვერ მოხვდა საქართველო „ბლუმბერგის“ მიერ გამოქვეყნებულ ხელსაყრელ ბიზნეს-ბარემოს მქონე ქვეყნების ჩამონათვალში?



მე მარჯვენა ებ-ს „მთავარი კომიტეტის წევრმა, გურიის რეგიონის კურატორმა ლევან კალანდიაძემ.

მისი თქმით, მთავარი პრობლემა, რაც აწუხებთ რეგიონის წევრს და მცირე მეწარმეებს, არის მძიმე საგადასახადო წნეხი, რაც ზედმეტად მკაცრ საგადასახადო ადმინისტრირებასა და დასჯის დრაკონული მეთოდების გამოყენებაში გამოიხატება.

—სანამ საგადასახადო ღირებულება და მცირე მეწარმეების დატვირთვა არ დასრულდება ამ რეგიონში, ბიზნესის განვითარებასა და ბიზნეს გარემოს გაუმჯობესებაზე მთავრობის მხრიდან საუბარი ყოველთვის უადგილო იქნება. და, რაოდენ სამწუხაროა, რომ ეს ღირება განსაკუთრებით დაუნდობელი და სასატიკო არჩევნების მოახლოების დროს ხდება—განაცხადა ლევან კალანდიაძემ.

პოლიტიკაში ქალთა მონაწილეობა უნდა გაიზარდოს

დემოკრატიული ჩართულობის ცენტრში ახალი შემარჯვენები ჟურნალისტებს შეხვდნენ და მათი პარტიის გეგმებზე ისაუბრეს.

ახალი შემარჯვენების ოზურგეთის ორგანიზაციის თავმჯდომარის ავთანდილ სურგულაძის თქმით, პარტია მზადაა 2012 წლის საპარლამენტო არჩევნებისათვის.

გურიის მხარის თავისუფალი დემოკრატების თავმჯდომარე ნათია კრავიშვილმა მომავალ არჩევნებში ქალთა როლის გაზრდაზე ისაუბრა. ახალი შემარჯვენების ქალთა ორგანიზაციას 10 წელი შეუსრულდა. მისი თქმით, მათი მიზანია შემარჯვენე ქალების და მათი მხარდამჭერების მოზიდაობა, პოლიტიკაში ქალთა მონაწილეობის გაზრდა, მცირე ბიზნესში დასაქმებულ და სოფლად მცხოვრები ქალების ხელშეწყობა.

კრავიშვილის განცხადებით, „ახალი შემარჯვენების“ მთავარი პრიორიტეტი სოფლის მეურნეობის განვითარება და სოფლად მცხოვრები ადამიანების ცხოვრების დონის ამაღლებაა. ამ თემაზე მათ ვიდეოკლიპი „სოფელს მოვლა უნდა“ წარმოადგინეს, რომელიც უკვე გადის ყველა რეგიონული ტელევიზიით.

შემდეგ არჩევნების წინ მოსახლეობის აღწერაზე ისაუბრეს. ამ კომისიის თავმჯდომარე ახალი შემარჯვენების ერთ-ერთი ლიდერი მამუკა კაციტაძე, ხოლო გურიის რეგიონის კომისიის დავით წულაძე უხელმძღვანელებს.

დავით წულაძის თქმით, ამ პროცესში ჩართულნი არიან პოლიტიკური პარტიები. „ახალი შემარჯვენები“ იღებენ პასუხისმგებლობას ობიექტურად ჩატარდეს მოსახლეობის აღწერა, რომ ერთდროულად დასაქმებულ და დაუსაქმებულ ადამიანებს სიბიძე, რაც ძალიან წინგადადებული ნაბიჯი იქნება სამართლიანი არჩევნებისათვის.

ჩვენი მომავალი მეგობრები



მე სოფო მქვია, მე თამთა — ასე გამეცნენ გოგონები, დიდიხანის სახეებითა და ნათელი თვალებით.

სოფო ჩანქსელიანი, 14 წლის. დედაბუნს საჯარო სკოლის VIII კლასის მოსწავლე. არის ასევე ოზურგეთის სამხატვრო სკოლის III კლასის მოსწავლე. (მასწავლებელი ვახტანგ მაქიშვილი). ხატვა 10 წლიდან დაუწყო და თავდაპირველად ბუნების სურათებს ხატავდა თურმე. თვითნასწავლი მხატვარია სოფოს მამიდა ნარგულ ჩანქსელიანი. სოფოს თავადვე გამოუთქვამს სურვილი, ევლო სამხატვრო სკოლაში და ახლა ძალიან კმაყოფილია. აქ ხატვის ტექნოლოგიები შემასწავლეს, უფრო დახვეწილი გახდა და ნამუშევრები უფრო მრავალფეროვანიაო — ამბობს. სასკოლო საგნებიდან მათემატიკა ყვარება, წიგნებიდან სათავგადასავლო წიგნების კითხვა უყვარს. როცა ვკითხულობ, ზოგჯერ მინდა ამ ამბავში თავადაც ვიყო ჩართული. სოფოს ერთი და ჰყავს, თიკო მასზე უფროსია, ის მუსიკით ყოფილა გატაცებული. სოფოს ძირითადად ტანსაცმლის ხატვა იტაცებს და ძირითად პროფესიადც დიზაინერობა გადაუწყვეტია.

— „დიზაინერობა ძნელი არ მგონია, მაგრამ ვიცი, არც ადვილი იქნება.“ ეს მისი ბავშვური ფიქრია და ბავშვური ოცნება, რომლის განხორციელება უდიდეს შრომას მოითხოვს მისგან, მაგრამ ისეთი ხალისით ჰყვება ამ პროექტის ხიბლზე, გულწრფელად შეიძლება უსურვო წარმატება. მისი საყვარელი დიზაინერი ავთანდილ ცქვიტინია.

სოფოს ძალიან უყვარს ფეხბურთი. უყურებს ყველა მნიშვნელოვან თამაშს. მისი საყვარელი გუნდი მადრიდის „რეალი“, საყვარელი ფეხბურთელი — ქრისტიანო რონალდო. სკოლაში ჰყავს მეგობრები, მზიარული და კონტაქტიანი გოგონა. ჰყავს გამორჩეული მეგობარი და მას თამთა ჰქვია.

თამთა ოთხმეზური, დედაბუნს საჯარო სკოლის IX კლასის მოსწავლე. ოზურგეთის სამხატვრო სკოლის III კლასის მოსწავლე. (მასწავლებელი ვახტანგ მაქიშვილი).

ხატვის ნიჭი მასში შორეული ფესვებიდან მოდის დედის მხრიდან. დიდი ბაბუა ხატავდა თურმე. ხატავს და ქარგავს მისი ნათესავი მამა სადრატე. ხატვა ეხერხება მის უმცროს ძმასაც, თუმცა ის სპორტითაა გატაცებული და ჭიდაობის კლუბში დადის.

თამთას ხატვა 6-7 წლის ასაკიდან დაუწყო. — სასკოლო საგნებიდან უცხო ენა მიტაცებს, ადვილად აუწეა ალლო — ამბობს. სპორტიდან ყველაზე მეტად კალათბურთი მოსწონს. „უყვარს სიძლევა და თავადაც ხშირად ღლინებს. წიგნებიდან, მასაც სათავგადასავლო წიგნების კითხვა იტაცებს.

თავდაპირველად ტანსაცმელი დაუნატავს და შემდგომაც ყველაზე მეტად მოსწონს ტანსაცმლის ხატვა. მხატვარ-დიზაინერი უნდა გახდეთ, ამბობს გულდაჯერებით. მოსწონს, როცა ხატავს. ჩემს საყვარელ საქმეს ვაკეთებო. ამბობს, რომ არის პირდაპირი და შეუძლია ადამიანებს უთხრას ის, რასაც ფიქრობს. პირს უკან თქმას ვერ ვიტან, რატომ არ უნდა თქვა ის, რასაც ფიქრობ? — გულწრფელად კითხულობს გოგონა, რომელიც ახლახან შესდგომია ცხოვრების გზას. ისიც თავისი მეგობრებით მზიარულია და განსნილი. ჰყავს მეგობრები და მეგობრობაში ერთგულებას და პირდაპირობას აფასებს. მისი საყვარელი დიზაინერი ავთანდილ ცქვიტინია, საყვარელი მოძღვრული „ემინემი“.

— კარგი მეგობარია, განსნილი, პირდაპირი, ჩვენ ერთმანეთისაგან არ გვწყინს შენიშვნები, ერთმანეთს რჩევას ვეკითხებით და ერთმანეთის აზრსაც ვიზიარებთ, ამბობენ მეგობრები.

„გაივლის დრო და“... ცხოვრების გზებს შეჰყვებიან გოგონები, ახლა არჩევანი გაკეთებული აქვთ. რა, რითი შეიცვლება, ეს მათი გადასაწყვეტია და ამას დრო და ცხოვრება თავად დაანახებს სოფოს და თამთას. გულწრფელი მეგობრობა კი ერთი იმ ჯილდოთაგანია, რაც ადამიანმა ცხოვრებისგან შეიძლება მიიღოს. წარმატებები უსურვით მათ.

თოჯინების თეატრში ახალი სამეტაკლი წარმოადგინეს

მეღვედევის „გათერაკების“ მიხედვით ახალი საბავშვო სამეტაკლი ოზურგეთის მუნიციპალიტეტის საბავშვო თეატრში რეჟისორმა ოთარ კუტალაძემ დადგა. სამეტაკლი აღმზრდელით თემანა და პატარა მყურებელმა კარგად მიიღო.

როგორც თეატრის დირექტორმა ლამა კუტალაძემ გვითხრა, „უახლოეს ხანში კიდევ ერთი სამეტაკლის „ბებრას“ პრემიერა ექნებათ და შემდეგ ოზურგეთისა და ჩოხატაურის მუნიციპალიტეტების სოფლებში 130 გასულით სამეტაკლებს გვემყენ. გარდა ამისა ყოველ კვირას უშუალოდ თეატრში უფასო სამეტაკლები გაიმართება.

ლამა კუტალაძემ ასევე გვითხრა, რომ აქვთ საინტერესო პროექტი—„ილიას ეპოქა“, რომელიც სკოლებს შორის ინტელექტუალურ შეჯიბრებებს ითვლისწინებს. ამ პროექტის განხორციელებაში ოზურგეთის მუნიციპალიტეტის საკრებულოს დახმარების იმედი აქვთ.

კულოცავით!

ჩემს საყვარელ ნიჭიერ „დიდ“ შვილიშვილს ამირან მამულაიშვილს



თორმეტი წლისა გავეხიდი, ჩემო ბაბუ, კაცი „დიდი“, თუ დასჭირდა რამე მამულს, შენც გჭირდეს შენი რიდი. სიხარული, საამაყვე, ჩვენი ჯილაგის და ვაგარის, ღმერთს შენთვისაც გამოეფოს, რაც სიკეთე ქვეყნად არის. იყავ წინაპართა საქმის, ნამდვილი გამგებლებელი, მისკენ გჭირდეს მიპყრობილი, შენი გული, შენი ხელი. სამშობლოსთვის, ოჯახისთვის, იდეგობელ დიდხანს, მარად, დელიკო არ დაივიწყო, სულ ეღეკი მამას ფარად. დაბადების დღეს გილოცავ, მეჯერა, ამაყად ივლი, ლამაზი დედის შობილი და კაცური კაცის შვილი.

ბილოცავ დაბადების დღეს — 27 მარტს, გმხვამი და გპოცნი ბავშვს.

ბაბუა ამირანი.

საინტერესო დღე პროკურატურაში

ბიორბი ასათიანი

ოზურგეთის რაიონულმა პროკურატურამ პროექტის „საზოგადოებრივი პროკურატურის“ ფარგლებში მოაწყო ინტელექტუალური კონკურსი სკოლებს შორის საქართველოს კონსტიტუციის ცოდნაში.

პროექტში ოზურგეთის №2 საჯარო სკოლის გუნდმა „ატაგენუსმა“ გაიმარჯვა, რის შემდეგაც პროკურატურამ გაგვიკეთა საჩუქარი,— „ერთი დღე პროკურატურაში“. გამარჯვებული გუნდის ათი წევრი გადავანაწილდით ხუთ სხვადასხვა სამსახურში.

სასამართლოში თეონა ხიზანიშვილი და დიმიტრი გობრონიძე წავიდნენ. პოლიციაში— ელენე მეგლაძე და საბა მამალაძე; საჯარო რეესტრში— რეზო მეგლაძე და ვაკო ჩხაიძე; სამოქალაქო რეესტრში—სალომე მახარაძე და დავით მამინაშვილი. პროკურატურაში წასვლა წილად გვხვდა მე და ანა ჯაფარიძეს. ასევე ჩვენთან იყო ფინალში დამარცხებული გუნდის კაპიტანი თამთა ჩხაიძე (№3 სკოლა). პროკურატურაში მისულები თბილად მიგვიღეს მთავარმა პროკურორმა კახა კოჩივარმა და პროკურორმა მალხაზ სირაძემ. შემდეგ გადავანაწილდით ორ პროკურორთან. ანა ჯაფარიძეს ირაკლი მინაშვილთან ერთად მუშაობა, მე ირაკლი გაჩეჩილაძესთან. სამუშაოს დაწყებისთანავე კარგად აგვისხნეს პროკურატურის დანიშნულება, გაგვაცნეს მართლმსაჯულების სისტემები. ჩავერთეთ საგამომიბო პროცესში. დავესწარით რამოდენიმე სასამართლო სხდომას, განაჩენის გამოტანის პროცესს.

ამ პროექტმა ყველას ძალიან დიდი სტიმული მოგვცა, უკეთესად ვიცოდეთ საქართველოს კონსტიტუცია, კანონები და ვიყით აქტიური მოქალაქეები.

საგაზაფხულო სამუშაოები საფუტკრეში მოყვარულ მეფუტკრეთა დასახმარებლად

საქართველო აგრარული ქვეყანა და აგრარული პოლიტიკა უნდა დაეხმაროს ქვეყანას პრობლემის გადაჭრაში.

მეფუტკრეობა სოფლის მეურნეობის ერთ-ერთი ლამაზი და პერსპექტიული დარგია, რომლის განვითარება ეროვნული საქმეა და ერის სიამაყე.

საგაზაფხულო სამუშაოების დროულად და ხარისხიანად ჩატარებას საფუტკრეში დიდი მნიშვნელობა აქვს იმისათვის, რომ გვყავდეს ჯანსაღი და ძლიერი ოჯახები, რომლებიც საწინდარია მაღალპროდუქტიულობისა.

წლის სხვადასხვა დროს საფუტკრეში სხვადასხვა სახის სამუშაოები ჩასატარებელი. გამოზამთრებული ფუტკრის ოჯახის მდგომარეობა გვიჩვენებს მეფუტკრის მიერ გასულ წელს გაწეული მუშაობის ხარისხს. თუ დარღვეულია ფუტკრის ნორმალური დაზამთრებისათვის საჭირო პირობები, ადრე გაზაფხულზე ადგილი აქვს რიგ ნაკლოვანებთა გამოვლენას.

უწვეულო ცივი და ხანგრძლივი გამოდგა 2012 წლის გაზაფხული ფუტკარ-მეფუტკრეებისათვის, რამაც შეაფერხა საგაზაფხულო სამუშაოების დროულად ჩატარება. ჩვენი მოწოდებაა, მაქსიმალურად გამოვიყენოთ ჩვენი შესაძლებლობები, დროს ნუ დაგზოვავთ, თავს ნუ შევიკავებთ ფინანსურ ხარჯებზე. რადგან შემდგომ იგი ხუთმაგად ავინაზღაურდება.

ფუტკრის კვების ზომიერობის საკითხი

საკვების რაოდენობა დიდ გავლენას ახდენს ფუტკრის ზამთრობასა და ადრე საგაზაფხულო განვითარებაზე. ფუტკარი გრძობს საკვების უკმარისობას და დედა ფუტკარს არ აძლევს საშუალებას ადრე დაიწიოს კვერცხდება. ასეთ ოჯახში მოზამთრე გუნდის განახლება გვიან იწყება. შედარებით ხშირი ფუტკარი მალე კვდება და ოჯახი სუსტდება, რაც იწვევს მის დაბალპროდუქტიულობას.

შეიძლება ფიჭაში თავი ჩაკრისტალდეს და მოზამთრე გუნდისთვის მიუწვდომელი აღმოჩნდეს. ამიტომ მეფუტკრე ზამთრის დადგომის წინ (ცივი ამინდების დადგომა) ეს უნდა შეამოწმოს. თუ ეს შემჩნეული იქნა, ასეთი ფიჭები უნდა შეცვალოს ხარისხიანი, სამარაგო საკვებით. წინააღმდეგ შემთხვევაში შეიძლება მოზამთრე ფუტკარი შიმშილით დაიღუბოს. თუ თავიანთი ჩარჩოები არ მოგვებობება, მშვირი ფუტკარი შაქრის ხსნარით უნდა კვებოთ. დანარჩენ შემთხვევაში ვაძლევთ სპეციალური ჭურჭლით ან პირდაპირ მშრალ ფიჭაში ვასხამთ, რომელსაც ბუდეში განაპირა ფუტკარიან და დამცველ ჩარჩოებს შორის დავდგამთ.

ადრე გაზაფხულზე ფუტკრის ოჯახების, გარემო პირობების გათვალისწინებით ხდება დამატებითი კვება სხვადასხვა მეთოდებითა და საშუალებებით. (იგულისხმება ჩასაკიდი ტილოს და ხის საკვებურები, ზემოდან დასადგმელი საკვებურები, ასევე ერთჯერადი პარკები, ქილები და სპეციალურად გარედან მისადგმელი მოწყობილობანი), რომლებიც იოლი და მოსახერხებელია. ამავე დროს საჭიროა დაცული იქნას ფუტკრის ოჯახებს შორის ქურდობის საწინააღმდეგო ღონისძიებები.

ადრე გაზაფხულზე, როცა გარემო ტემპერატურა დაბალია, საკვების შევსება ხდება ცომის მაგარი საკვებით—კანდით. (იგი შემზადებულია დაავადების საწინააღმდეგო პრეპარატებით).

გაზაფხულზე, პირველი გამოფრენის დროს ფუტკრეებზე დაკვირვება საშუალებას აძლევს მეფუტკრეს, გააკეთოს წინასწარი დასკვნა გამოზამთრების შედეგებზე.

გამოფრენის (გამომდრის) დროს ფუტკარი მხიარული ზუზუნით გამოდის სკიდან. წმენდს კუჭს და შეისწავლის ადგილმდებარეობას. ეს კარგის ნიშანია, ოჯახში ყველაფერი წესრიგშია.

სუსტი ოჯახიდან ნაკლებად გამოდის ფუტკარი. ასევე ნაკლებ ენერგიულად გამოდის უდელო ოჯახისაგან. გარეთ გამოფრენილი მაშინვე უკანვე ბრუნდება, დაცოცავს მისაფრენ ფიცარზე, თითქოს დედას ეძებს. ასევე მცირე რაოდენობით გამოფრინდება საკვები მარაგის უქონლობისა და დიდი



ოდენობით ოჯახში ფუტკრის დაღუპვის დროს. სუსტი და უდელო ოჯახები უნდა შევეაერთოთ.

როცა მომავალ სუნი და დასველებული მკვდარი ფუტკრეებია, ამ შემთხვევაში სკა დანესტილია, ანდა თავი ამჟავდა, ფიჭები დაობლია, სველია სკის კედლები. (ასეთ დროს ფუტკრის ოჯახი უნდა გადავსვათ ახალ სკაში). ჭუპრის გამოყრა შიმშილობის ბრალია. (ასეთ ოჯახებს უნდა დავეხმაროთ საკვები მარაგით). სკიდან ცვილის ნაწილაკებისა და უთაო ფუტკრების გამოყრა, საფარი ტილოსა და ბალიშის ნარჩენების საფრენთან გამოჩენა ნიშნავს, ასეთ ოჯახში თავგები ბინადრობს. (ამ შემთხვევაშიც უნდა შევცვალოთ დაზიანებული ფიჭები, საფარის სათბუნებელი საშუალებები და ფუტკარი გადავსვათ ახალ სკაში).

შიმშილობის შემთხვევაში ენახულობთ უჯრედებში თავდაყირა ჩაყვადებულ მკვდარ ფუტკრებს, ასეთ ოჯახებიდან ვიღებთ ცარიელ ჩარჩოებს და სანაცვლოდ კუდგამით გადათლილ თავლიან ჩარჩოებს ან ვაძლევთ მოზადებულ სიროფის ხსნარს.

თუ საფუტკრეში ნოზემატოზი (კუჭის აშლილობა) აღმოჩნდა, სამკურნალოდ სიროფთან ერთად ვაძლევთ ფუმაგილინს, ნოზემატას.

ვაროატოზის (ტილის) საწინააღმდეგოდ ფუტკრის ოჯახი, ადრე გაზაფხულზე უნდა დამუშავდეს ვარაკომის წყალხსნარით, ვაროსტოპით, მავრიკით (სერთიფიცირებული პრეპარატის არჩევა უნდა მოხდეს სპეციალისტის რჩევით). ეს პრეპარატები შეიძლება გამოვიყენოთ მონაცვლეობით. (მაგ. ვარაკომი ერთი მილიგრამი გახსნილი 3 ლიტრ წყალში, მიეცეს თითო ჩარჩო ფუტკარზე 10 მილილიტრის რაოდენობით ჩარჩოთა შორის), 10 გრადუსი სითბოს პირობებში, 7 დღის ინტერვალთ. (სამჯერადი მკურნალობით).

თუ საფუტკრე წინა წლებში ფუტკრის ბარტყის სიღამლეზე არაკეთილსაიმედოდ ითვლებოდა, გაზაფხულზე გამაღიზიანებელი კვების დროს 1/1 მოზადებული შაქრის სიროფთან ერთად მკურნალობის ან პროფილაქტიკის მიზნით უნდა მიეცეთ ქვემოთ ჩამოთვლილი ანტიბიოტიკები, (ერთ-ერთი ან მონაცვლეობით): ტერამიცინი, ოქსიტეტრაციკლინი, ტეტრაციკლინი, სტრეპტომიცინი, ნორსუფაზოლ ნატრი, (1 გ. 1ლ. შაქრის სიროფში, ერთ ჩარჩო ფუტკარზე 100-150 გრამის ოდენობით). ასევე ეფექტურია პრეპარატები: ბაქტოპოლი, სტრატოვიტი, ბიოვეტის 10 %-იანი ფხვნილი და ა.შ. თუ ფუტკრის ოჯახის საკვების მარაგის შევსება გვინდა, ამ შემთხვევაში ვამზადებთ უფრო სქელი კონდიციის სიროფს, რათა არ მოხდეს ფუტკრის გადატვირთვა ზედმეტი სიროფის გადაშუშვებზე. (დამატებით საკვებს ვაძლევთ განსაზღვრული რაოდენობით, ოჯახის კონდიციის მიხედვით).

დროულად და ხარისხიანად ჩატარებული სამუშაოები და ასევე თეორიული და პრაქტიკული უნარ-ჩვევები დიდს და საინტერესოს გახდის თქვენს საქმიანობას. ასევე დიდ სამსახურს გაუწევთ მსოფლიოში აღიარებულ, 45 ქვეყანაში ცნობილ, სამი ოქროს მედლის მფლობელ ქართულ ფუტკარს. სასიხარულოა ის ფაქტი, რომ ბოლო წლებში იმატა მოყვარულ მეფუტკრეთა რაოდენობამ. ამ ეროვნულ საქმეში აქტიურად ჩაერთო ეკლესია.

კვლავ იფუნქციონირებს საქართველოს მეფუტკრეობის სახალხო უნივერსიტეტის (რექტორი, აკადემიკოსი ვენერა სტეფანიშვილი) გურიის ფილიალი, სადაც მეფუტკრეობას ასწავლიან. უახლოეს ხანში მეფუტკრეებისათვის გათვალისწინებულია სემინარის ჩატარება.

ჯანმრედი ცმცხლაძე, გურიის მეფუტკრეთა კავშირის თავმჯდომარე. დაგვიკავშირდით: ქ. ოზურგეთი, დოლიძის ქ. №1 (რკინიგზის სადგურთან ახლოს) ტელ: (599) 21 41 43.

„გურიასა“ და „მერცხალისათვის“ წარუმატებელი ტური

ლანჩხუთის „გურიასა“ და ოზურგეთის „მერცხალისათვის“ პლეი-აუტის მორიგი ტურის მატჩები ოზურგეთის ცენტრალურ სტადიონზე უიღბლო გამოდგა.

ლანჩხუთის „გურია“, რომელმაც III ტურში ბოლნისში დაამარცხა „სიონი“ და უმაღლეს ლიგაში დაბრუნების რეალური შანსი გაუჩნდა მოულოდნელად ოზურგეთში საჩხერის „ჩიხურ-

ასთან“ დამარცხდა. 37-ე და მე-40 წუთზე საჩხერელმა ნახევარმცველმა დავით კირკიტაძემ ორი გოლი გაუტანა გურულესს და „ჩიხურას“ უმაღლესი ლიგის შანსები კიდევ უფრო გაზარდა.

რაც შეეხება „მერცხალს“, მან კვლავ წააგო. ამჯერად ბათუმის „დინამოსთან“ -0:1. როგორც ჩანს „მერცხალს“ ვერც ჩამოყვანილმა ფეხბურთელებმა უშველა და კვლავ I ლიგაში იასპარეზებენ.

თორნიკე მახარაძის დიდი წარმატება

ქ. თბილისში, ჭადრაკის სასახლეში ჩატარდა საქართველოს მოსწავლეთა პირველობა (I ლიგა).

10 წლამდე მოჭადრაკეებს შორის გამოდიოდა ოზურგეთის სასპორტო სკოლის აღსაზრდელი, №2 საჯარო სკოლის III კლასის მოსწავლე თორნიკე მახარაძე. ტურნირი შვეიცარიული სისტემით დამთავრდა.

თორნიკემ 48 მონაწილეს შორის 7 ქულით II შედეგი აჩვენა. მან 9 შეხვედრიდან 6 მოიგო, 2 ყაიმით დაამთავრა, ერთი წააგო და ტურნირის ორგანიზატორებზე კარგი შთაბეჭდილება დატოვა.



თორნიკეს მწვერთელია ელგუჯა ურუშაძე. წარმატებულ მოჭადრაკეს 30 მარტს 9 წელი უსრულდება.

წიგნის მოყვარულთა საყურადღებოდ!

ს.ს. „სამპრამსა“ ატარებს აქციას წიგნის მოყვარულთათვის:

1. დიდი ქართულეზი-15 ტომი;
2. 100 ადამიანი, რომლებმაც შეცვალეს მსოფლიო;
3. ქართული სიტყვიერება-9 ტომი.

ის, ვინც აღნიშნულ გამოცემულ გამოცემებს შეიძინა, ერთდროულად 5 ლარად მართ ტომს, ხდება აქციის მომწოდებელი და შეიძლება ტომებსაც მიიღებს აღნიშნულ ფასად.

აქციის ბრძანდობა 1 აპრილიდან.

„სამპრამის“ ოფისის მისამართი: თბილისი.

ტელ: (577) 97 90 42.

გენალი ნიკოლოზის კი ცისკარიშვილის (მცხოვრები ქ. ოზურგეთში, ბრიგადოვის ქ. სახლი 21, ბინა 48) განცხადება

ბატონებო! მე მივიღებ კანონიერ შემოწირულობებს. იგი გადავზავებთ მისამართზე: საქართველო, ქ. ოზურგეთი, გრიბოელოვის ქ. სახლი №21, ბინა №48.

გენალი ცისკარიშვილი. **ლ**

მეუღლე ენვერი, შვილები გია, ლია; შვილიშვილები გიორგი, ანა, მიშკო, ლელუკა; რძალი მარინა დათუნაშვილი; სიძე კუკური შაფაქიძე, უახლოესი ნათესავები იუწყებიან **თამარ თორთლაძე-საჭაპურიძის** გარდაცვალებას. დაიკრძალა 24.03 ქ. ოზურგეთში.

ოზურგეთის საზოგადოებრივი ჯანდაცვის ცენტრი იუწყება ცენტრის ყოფილი დირექტორის, ღვაწლმოსილი ექიმის, **შალვა (ლუღუნი) შაშიშვილის** გარდაცვალებას და თანაურგძნობს განსვენების ოჯახს.

უახლოესი მეგობრები თენგიზ შარაშიძე, ავთანდილ თავართქილაძე, ნუგზარ ასათიანი, ოთარ გაგუა ოჯახებით თანაურგძნობენ გია საჭაპურიძეს დედის **თამარ თორთლაძე-საჭაპურიძის** გარდაცვალების გამო

პრობლემები გაქვთ დასუფთავებასთან დაკავშირებით? დარეკეთ: 27 44 67; (595)30 50 58. ოზურგეთის დასუფთავების სამსახური.